

21 Sier Zorzi Pixani dotor e cavalier, fo consier qu. sier Zuane	27. 123
1 Sier Francesco da cha' da Pexaro fo di Pregadi, qu. sier Hironimo, qu. sier Luca provedador	84. 70
16 Sier Giacomo Contarini fo proveda- dor a Gradisca, qu. sier Piero	50. 96
9 Sier Piero Marzelo qu. sier Beneto da San Pruovolo	70. 78
20 Sier Antonio Condulmer fo savio a terra ferma, qu. sier Bernardo	47. 99
4 Sier Domenego Pixani è di Pregadi, qu. sier Zuane	39. 107
14 Sier Marin Sanudo qu. sier Lunardo	56. 89
18 Sier Gasparo Malipiero fo savio a terra ferma, qu. sier Michiel	44. 99
10 Sier Stefano Memo fo provedador sora le pompe, qu. sier Zorzi	38. 112
Non. Sier Antonio Trun, el procurator	
8 Sier Hironimo Duodo fo governa- dor di l' intrade, qu. sier Piero	39. 110
17 Sier Andrea Corner fo consier, qu. sier Marco	12. 131
5 Sier Polo Zorzi el camerlengo di comun, qu. sier Hironimo	76. 84
3 Sier Alvise di Prioli fo savio a terra ferma, qu. sier Piero, provedador	51. 98
6 Sier Marco Donado fo consier, qu. sier Bernardo	39. 118
† 13 Sier Piero Marzelo fo conte a Sibi- nico, qu. sier Giacomo	89. 59
7 Sier Alvise Malipiero fo savio dil Consejo, qu. sier Giacomo	43. 92
15 Sier Alvixe di Prioli è di Pregadi, qu. sier Zuane	70. 76
Non. Sier Francesco Foscari fo savio dil Consejo, qu. sier Filippo procu- rator	

56 *Copia di la parte di dar auctorità a li prove-
dadori sopra le pompe, si ha a elezer, posta
in Pregadi a dì 26 april 1512, per il Se-
renissimo, consieri, cai di XL, savii dil
Consejo et savii di terra ferma.*

Essendo stà preso a dì 30 del mexe de marzo
preterito, (*parte*) non meno savia che necessaria per
ogni conveniente respecto, che de ogni luogo et of-
ficio *etiam* continuo fusseno electi tre savii sopra
le excessive et immoderate spexe che *in dies* se
fanno in questa cità nostra *cum murmuratione* uni-

I Diarii di M. SANUTO. — Tom. XIV.

versale, et, *quod peius est, cum maximo dispen-
dio, damno et iactura* de le facultade, è ben ad
proposito far dicta electione. Ma perchè la delibera-
tion prefata merita in certe particule esser riforma-
ta, l'anderà parte, che per auctorità de questo Con-
sejo i prefati 3 savii siano *de præsenti* electi de ogni
loco et officio solamente, et siano per anni do, nè
possino refudar sotto alcun pretexto iusta la conti-
nentia de la parte sopra ditta, qual *in reliquis
omnibus* sii *inviolabiliter* exequita.

Præterea sia preso, che i savii prefati, oltra la
auctorità concessali per la dicta parte de' 30 del mese
de marzo, *de qua supra*, in tutte le condanation i
farano contra li inobedienti di le Ieze, siano tenuti et
obligati condannar cadauno de loro, oltra le pene
statuide, ducati cento d' oro per uno; et condenati
serano, debino *immediate* mandarli a palazo, nè
possino esser depenadi se non harano pagato *cum*
integrità. Le pene veramente *superius* dechiaride,
siano divise in do parte, una de le qual sia de l' acu-
sador, da esser tenuto secreto, et l' altra de l' arse-
nal nostro, nè possi a' dicti contrafazanti esser facta
gratia alcuna salvo per 22 ballote del Colegio nostro;
et avanti che alcuna gratia de simel sorte sii balotada,
debino, i savii sopra le spese prefate, dar solenne
iuramento a tutti che non siano stà pregadi. Et se
troverano alcun esser stà pregado, debino far meter
tutte quelle ballote de essi pregadi nel numero de
no, come se serva ne le quarantie nostre, aziò la bal-
lotatione sia facta *cum* ogni rectitudine et sincerità.

Verum, perchè potria occorer che i prefati 3
savii non fusseno d' accordo in far le condanation
predicte, per regulatione de li habitanti in questa
cità da mò sia preso, che non hessendo d' accordo
tutti 3, over do de loro *ad minus* in condenar i
prenominati, possi quel solo de altra opinione fusse
venir al Colegio nostro, over ad altri consiglii, come
li parerà el meglio, et habi auctorità di placitarli in
essi consigli, et possino meter parte *cum* quella
medesima libertà che hanno i advogadori nostri de
comun, et sia *in utroque casu* servata la leze de le
pregierie, salva *tamen* sempre la auctorità de li
avogadori nostri di comun: siali deputado uno no-
daro de la cancellaria nostra *cum* li altri ministri
necessarii, come parerà al Colegio nostro esser expe-
diente.

(A stampa).

Nel 1512, a dì 17 aprile.

El se fa a saper a tutti che, essendo stà electi,
per lo excellentissimo consiglio de' Pregadi, li ma-